

CEO di ATA Sra. Ronella Tjin Asjoe-Croes referente Aruba International Film Festival

“Mirando e situacion financiero e no lo tabata responsabel pa A.T.A. sigui patrocina A.I.F.F.”

ORANJESTAD – Ayera BON DIA ARUBA a publica ayera e noticia cu e Productor ehecutivo y creador di Aruba International Film Festival Sr. Jonathan Vieira a wordo declara bancarota pa Hues, CEO di Aruba Tourism Authority Sra. Ronella Tjin Asjoe-Croes a bisa BON DIA ARUBA a bisa cu ATA ta desea Sr. Vieira hopi forsa. “Como ser humano bo no ta desea pa niun hende pasa den un experiencia asina ey y nos sigur ta reconoce su talentonan.” Sinembargo, Tjin Asjoe-Croes ta splica cu e no lo tabata responsabel mirando e situacion financiero, pa ATA continua cu e evento.



Mark Anthony durante su presentacion na e concierto cu a wordo añadi aña pasa na Aruba International Film Festival.




Sra. Ronella Tjin Asjoe-Croes CEO di ATA.

CONCIERTO

Manera ta conoci ATA na comienso di e aña aki a publica nan decision cu nan lo no ta sosteniendo e evento di Aruba International Film Festival mas.

Tjin Asjoe-Croes ta menciona cu e situacion financiero, no necesariamente di e Film Festival mes pero di e concierto cu a wordo añadi na e totali-

dad aña pasa. ATA no tabata un sponser di e concierto, ATA tabata un sponser di e Film Festival. “ATA a tuma e decision aña pasa caba pa no ta un sponser di e concierto, anticipando cierto risiconan. Al final di cuenta nos a yuda monitoria e situacion, una bes cu e organisadonan a dicidi di continua cu e concierto. Pasobra si cosnan bay malo y



Productor ehecutivo y creador di Aruba International Film Festival Sr. Jonathan Vieira.

esaki ta cosnan cu no ta bon pa e imagen di Aruba,” Tjin Asjoe-Croes ta splica.

ANALISIS

“Despues di e evento ey nos a analisa e situacion y tabatin un rapport cu no tabata entrega na momento cu nos mester a tuma e decision pero mirando e situacion financiero, mas bien na e concierto, nos ta kere cu e tabata un riesgo pa

si bo a continua na e posicion di film.

Y pa ATA cu ta maneha ingresonan cu ta bin di parti di impuesto e no lo ta responsabel pa sigui bay na e momento ey considerando e circunstancianan di e evento,” asina e Hefe Ehecutivo di Aruba Tourism Authority Sra. Ronella Tjin Asjoe-Croes a termina bisando. □